

無上黃籙大齋立成儀卷之三十六

白六

无上黄籙大齋立成儀卷之三十六

三洞法師冲靖先生留用光傳授

太上執法仙士蔣叔與重修

修奉應用門

建齋之始投詞頌

渺渺空無象

悠悠感至靈

敬則承天貺

泄則被魔精

吉凶隨運轉

否泰應緣生

道不貴珠玉

神惟在至誠

丹福盡勤苦

懇悃竭衷情

自然通大道

皆得降真靈

捻香陳所願

稽首崇嘉貞

天尊常湛寂

回心禮杳冥

啓堂頌

學道當勤苦

斂信運丹誠

燒香歸太上

真炁雜煙馨

惟祈開大宥

七祖離幽冥

三皈依讚

白六

至心歸依

十方道寶當願衆生起心回向一切信禮

至心歸依

十方經寶當願衆生心開悟解受持轉誦

至心歸依

十方師寶當願衆生普上法橋無有障礙

聞經讚

聞經已後當願衆生萬罪永消善芽增長

聞經已後當願衆生深入法門皈依信受

聞經已後當願衆生永斷執迷常修至道

道讚

道場衆等人各運心皈命三寶无上尊一切

念衆官各念功德

請師讚

修齋行道 奉請經師 降臨壇所  
籍度女 天監齋

隨文  
改易

請玄師頌

科律嚴章奏 精誠享百神 投詞陳懇願

潔醮奉高旻 俯眄垂雲駕 冥心啓上真

玄師都教主 奉請降凡塵

白六

請天師頌

太上傳符籙 初因遇鶴鳴 積功超玉闕

列位侍三清 接引章詞奏 克隨凡庶情

修齋當奉請 願俯鑒精誠

請監齋頌

寶號流塵世 仙階列上清 三千功德滿

八百行先成 禮懺修真福 監齋作證盟

今宵仙馭降 祥祉被含生

請天官頌

妙道垂真教 修齋立福田 結壇朝上聖

建醮會高仙 注念通穹極 精誠感上玄

天官乘寶輦 彩仗下凡筵

請地官頌

翼翼陳丹懇 兢兢仰紫虛 祈通陳下志

願達土皇君 潛應垂真貺 送臨赦罪辜

地官來下降 旌擁五雲輦

請水官頌

方便開真化 慈悲立聖科

虔心修妙會

調炁詠靈歌 默念祈淵府

丹誠通大羅

水官龍駕降 雲錦起滄波

白六

三

請五帝頌

五帝居仙品 糾彈善惡因

祥光臨宇宙

惠澤濟沉淪 發露祈天祐

冥心感聖賢

存心俱快樂 享福永无垠

請正一三師頌

靈寶明科範  
三師列上清  
修齋虔降格

功德貴精誠  
仰屈真仙馭  
迴翔羽旆旌

克疇垂福佑  
享報應凡情

請經師頌

入靜修黃籙  
嚴裝啓上仙  
奏章先達御

詞款欲闡宣  
寶籙因師度  
威儀太上傳

經師來下降  
奉請列羣仙

請籍師頌

肅肅祈清福  
誥誥結寶齋  
登壇須此夜

行道續徘徊  
有願仍須啓  
皈心道眼開



籍師來下降 仙仗下瑤臺

請度師頌

經戒丹心禱 虔誠召百神  
持戒請仙真 清詠凌朝啓  
度師來下降 保護結齋人  
捨香祈至聖 精思入夜勤

焚詞頌

人生多障難 大道實矜憐  
咸令懺罪緣 愆辜編地府  
發露祈真祐 誠心仰聖賢  
願得拔九玄壽長年 焚詞歸上界  
奏名玉帝前

又

太虛感靈會

命我生神章

一唱洞九玄

二誦天地通

混合自相和

九徧成人功

大聖慶元吉

散花禮太空

祈神神必應

請福福當弘

諸天並歡悅

一切稽首恭

度簡頌

白六

赤明開元圖

和陽通上虛

元始敷靈章

十部飛天書

開度九幽祖

萬徧道自俱

玉阜秀瓊林

生死福德廬

自無黃籙簡

苦根焉得除

旋行誦靈章

五靈還相扶

投龍簡頌

祈真登紫府

山簡云紫嶽土  
簡水簡云紫府

告命詣靈壇

山簡云靈山  
水簡云靈泉

玉女謠梵響

金童奏香烟

書名通九地

列字上三天

永享無期壽

尅成高上仙

解壇頌

太空包有象

至道窈无形

承和通妙炁

應感達衷情

倏忽周八極

依稀降萬靈

微香陳素欵

委質表丹誠

遠泛翔鸞蓋

遐攀綺鳳旌

烟宮高鬱鬱

雲閣上停停

瓊駕出霄漢 金龍入太清 甘露冷人世

景福被幽明

送師頌

修齋事畢 仰荷玄恩 志心稽首 奉送某師  
雲輿勿住 鶴駕難留 後有修齋 還當奉請

送經師頌

白六  
辭三師讚  
見杜儀

經法雖玄妙 崇奉悉因師 凡有立善者

咸當願禮之 氣運功易就 心慢悔難追

若能勤繫念 朝夕自仙飛

送籍師頌

道以齋為重 法以朝為常 不修不奉者  
焉能遊帝鄉 有骨入仙品 自然開紫房  
玄女排雲駕 但見金銀堂 是故謝三師  
稽首禮虛皇

送度師頌

迢迢玉京山 玄都何巍巍 真人乘步虛  
朗朗長夜開 大道由人弘 心至神自歸  
修齋行道畢 稽首辭三師

送正一三師頌

至道傳師旨 垂光已燭壇 陰靈皆感召

號令肅仙班  
鶴駕將臨翥  
鸞驟亦告還

天邊想歸路  
佩玉聽珊珊

送五帝頌

仙仗來霄極  
尊臨列五方  
旂風吹羽節

鸞輅駐清場  
齋事將圓徹  
迴輿返上蒼

流恩無不徧  
豈但感馨香

送天官頌

妙範修齋直  
明科洗罪根  
瞻穹崇上善

歷懇致微言  
既納依投請  
蒙垂福宥恩

天官還玉府  
寶駕入金門

送地官頌

淨會朝元罷 齋功結果圓 真恩宣五嶽

誠烟奏三天 徹席停虛範 解壇送列仙

地官迴嶽府 高陟五雲軒

送水官頌

白六

六

宣演玄音畢 諸仙返上穹 靈風除橫厄

甘露報真功 復命驪龍駕 遙還暘谷宮

水官歸洞府 福祿賜無窮

送監齋頌

靈壇崇法席 允賴下監臨 糾過兼書善

真仙亦仰欽  
行當驅道騎  
縹緲五雲深  
生存當有賴  
更復濟幽沉

送天師頌

齋法已精嚴  
表牋奏上天  
至誠通感應  
闔門得延年  
幽冥昏暗獄  
罪苦悉皆原

掌握諸天籍  
章詞御帝前  
祖宗咸升度  
嗣裔慶榮遷  
三天扶教主  
事畢奏功圓

送玄師頌

上帝命真仙  
修齋黃籙壇  
諸天來下降  
焚香懺罪愆  
九時行道畢  
齋事已周圓



亡魂得超度 玄師上九天

回曜飛光頌

煌煌滿卮燈 閃爍同月光 反照名回曜

滿空象列星 流光如虹蜺 散艷生蓮華

誤入瓊瑤洞 宛在玉芝房 玉女映玉珮

白六

七

金童照金裳 萬靈登道岸 眾真聚華堂

龍樓十二轉 晝夜輪光芒

光明頌

太上大道君 位處無何鄉 寶光真童子

下理九幽房 悲嗟苦魂役 拔度痛哀傷

二十四門戶  
咸令聞寶香  
燈明長夜照

願消累劫殃

北帝頌

稽首無上道  
歸心元始尊  
至真妙應主

開化飛玄門  
妙戒怡五靈  
金書誓萬神

察命定籙籍  
靈符度苦魂  
乘雲朝玉帝

齊契玄中人

焚簡頌

太上法微妙  
籙籙度天人  
元始告符命

時刻獲升仙  
傳授救沉溺  
皆得自備然

書名金簡錄 逍遙玉帝前

白鶴讚

太一真人冰雪容 步虛來往本無蹤

蓬萊要去如今去 雲在窻前鶴在松

白鶴千年始一歸 山川依舊世人稀

不因華表分明語 誰識當時丁令威

白鶴飛來下九天 數聲嘹唳出祥煙

日月相催人易老 不如修道學神仙

胎化靈禽唳九天 雪毛丹頂兩相鮮

世人不認歸華表 來瑞升平億萬年

散華讚

玉京山上朝真會

散花林

十仙齊奏步虛音

散滿道場天尊前供養

五色彩雲隨步去

散花林

六銖仙服著身來

滿道場天尊前供養

空洞一聲來月下

白六

散花林

步虛三唱入雲間

滿道場天尊前供養

十念

一念天地交泰

二念日月高明

三念陰陽順序

四念國土安寧

五念帝王萬壽

六念宰相安正

七念萬姓安樂

八念百穀豐登

九念幽途離苦

十念大道興行

十二願

一願乾坤明素

二願氣象清圓

三願聖人萬壽

四願化洽八埏

五願天垂甘露

六願地發祥烟

七願四時順序

八願萬物生全

九願家行孝悌

十願國富才賢

十一願豐都罷對

十二願學道成仙

四結願文

願大道興行經法流演至心稽首正真三寶  
願聖化無疆明齊二景至心稽首正真三寶  
願師尊父母亡者生天見存安樂至心稽首  
正真三寶

白六

九

願一切舍生免離諸苦同會無為至心稽首  
正真三寶

大道玉清經瓊臺寶光上真十願

一願大道流行普天懷德

二願一切有生咸皆悟道

三願九夜悲魂一時解脫  
四願孤爽無依咸得受生  
五願天下太平百穀成熟  
六願臣忠子孝君仁父慈  
七願四海通同冤親和解  
八願潛胞處殼俱得生成  
九願積疾新痾旋即痊愈  
十願孤露衆生豐衣足食

无上黄籙大齋立成儀卷之三十六

